



Sr. Miguel J. Mansur
Lider di Fraccion ACCION 21

STATEN VAN ARUBA

Presidente di Parlamento
Sr. mr. E.G.A. Vrolijk
L.G. Smith Blvd. 72
Oranjestad, Aruba



Oranjestad, 14 maart 2022

Apreciado Sr. Presidente,

Pa medio di e carta aki suscrito kier a pidi Sr. Presidente dirigi e siguiente x7 preguntanan pa Minister di Enseñansa y Deporte Sr. Endy J.H. Croes.

Suscrito ta desea di haya contesta por escrito riba su preguntanan.

Gradiciendo di antemano pa su amabel cooperacion suscrito ta keda,

Atentamente,

Miguel J. Mansur
Lider di Fraccion ACCION 21



Oranjestad, 14 di maart 2022

Preguntanan por escrito di miembro di Parlamento, Sr. Miguel J. Mansur, na Minister di Enseñasa y Deporte, sr. Endy Croes, conforme articulo III.17 di Staatsregeling y conforme artikel 59 di Reglement van Orde di Parlamento di Aruba.

Nos a tuma nota di establecimiento di 'Tesla University' y un aumento den otro universidadnan recientemente estableci. E Minister di Enseñasa anterior a declara su apoyo completo den provee posibilidadnan di prestamo pa studiantenan Arubano por studia na e tipo di institutonan aki y otro universidadnan 'online'. A base di combersacionnan cu expertonan local y den exterior, algun di e universidadnan aki tin poco of NINGUN credencialnan academico y/of acreditacion internacional. Ta parece cu nan ta usando tacticanan agresivo (kisas te hasta depredador) pa atrae estudiante y ricibi placa pa aplicacionnan. Tacticanan similar a wordo usa pa e awor desacredita 'Trump Univeristy' na Merca.

1. Bao di cual condicionnan entidadnan priva mag usa e palabra 'universidad' na Aruba?
2. Ki proceso(nan) di acreditacion of control di calidad ta existi pa sigura cu studiantenan ta protehi pa cu e calidad y uso di nan licenciatura (degree)?
3. Fondonan publico Arubano ta accesibel na e institutonan sin acreditacion valido den forma di subsidio, beca (scholarship) y/of prestamo (Aruba lening)?
4. Tin plannan na lugar pa salvaguardia e calidad di enseñasa halto y protega studiantenan Arubano di posibel scams?

Recientemente a yega na nos atencion cu Instituto Pedagogico Arubano (IPA) a perde su acreditacion.

5. Minister por confirma si ta berdad cu IPA a perde su acreditacion, si of no?
6. Si e contesta ta negativo, Minister por clarifica ki acreditacion IPA ta conta cun'e actualmente y si esey ta reconoci pafor di Aruba?

7. Den pasado tabata tin plan pa fuse IPA cu Universidad di Aruba, Minister por elabora si e plannan aki ta sigui y si Minister ta na favor di esaki?

Atentamente,

A handwritten signature in blue ink, appearing to read 'MANSUR', with a large, stylized flourish underneath.

Miguel J. Mansur
Lider di Fraccion ACCION 21